

## Naqqiut

Nassuiaatit 14. august 2019-imeersut taarserpai

(Siunnersuummi § 1-imut nassuiaatini, siunnersuummi aalajangersakkanut ataasiakkaanut nassuiaatini iluarsisoqarpoq. Naalakkersuisut allanut ataqatigiissillugu pisinnaatitsissummik pigisaqartumit aningaasaqarnikkut uppersaammik piunasaqarsinnaasut, erseqqissarneqarpoq.)

Siunnersuummut nassuiaatit

## Nassuiaatit nalinginnaasut

### 1. Aallaqqaasiut

Aatsitassat pillugit ingerlatallu tamatumunnga pingaarutillit pillugit Inatsisartut inatsisaat nr. 7, 7. december 2009-imeersoq (aatsitassanut ikummatissanullu inatsit) ulloq 1. januar 2010 atuutilerpoq. Inatsisartut inatsisaat Inatsisartut inatsisaanni nr. 26, 18. december 2012-imeersumi, Inatsisartut inatsisaanni nr. 6, 8. juni 2014-imeersumi, Inatsisartut inatsisaanni nr. 16, 3. juni 2015-imeersumi, Inatsisartut inatsisaanni nr. 34, 28. november 2016-imeersumi aamma Inatsisartut inatsisaanni nr. 16, 27. november 2018-imeersumi allanngortinneqarpoq. Inatsisartut inatsisaat kingusinnerusukkut allannguuteqartartoq tulluuttuni aatsitassanut ikummatissanullu inatsisitut taagorneqarpoq.

Siunnersuummut matumunnga siunertaavoq aatsitassarsiorluni misissuineq aamma aatsitassanik piianeq pillugit maleruagassat immikkut ittut pillugit aatsitassanut ikummatissanullu inatsimmi kapitali 7-imi (§§ 29-31) aalajangersakkanik ataasiakkaanik piviusunngortitsinissaq aammalu erseqqissaanissaq. Allanguutit aatsitassanik piiaanissamut akuersissummik tunniussinermut, akuersissutit taamaattut malillugit ingerlatassanut kiisalu pisinnaatitsissummik pigisaqartut soqutigisaannik illersuinnissamut, tunngassuteqarput.

Naalakkersuisut naliliinerat malillugu, aatsitassanik piiaanissamut akuersissummik tunniussinerup, aatsitassarsiorluni ingerlatat isumannaallisaanermut, peqqinnissamut, avatangiisinut, isumalluutunik atorluanaanissamut, inuiaqatigiinni piujuartussamik iluaqutaasumik sunniuteqartitsinissamut tunngatillugu isumannaatsumik kiisalu naleqquttumik aammalu pissutsit taamaaqatai atuutsillugit nunani tamalaani suleriaatsinut pitsaasunut akuerisaasunut naapertuuttumik suliarineqartarnissaannik mianerisassaarneq annikillisinnagu, sapinngisamik atugassarititaasut sukannersuutinngit, pisarnissaa, naleqquppoq. Taamaattumik aatsitassanut ikummatissanullu inatsit malillugu pisinnaatitsissummik pigisaqartunut pisariaqanngitsumik piunasaqaateqartoqartariaqanngikkaluarpoq. Piunasaqaatigineqartut, suliassap imminut akilersinnaassusaa aningaasaliisunit taarsigassarsititsisunillu namminersortunit, suliassamut ilaatigut aktiaatinut aningaasaatinik taarsigassarsianillu aningaasalersuisussanik nalilersorneqartarluni, namminersorluni inuussutissarsititini allani tunngaviusut assingunik sapinngisami aallaaveqartariaqarput. Siunnersuummi siunertaasut ilaat tassaavoq, tamanna

aatsitassanut ikummatissanullu inatsimmi tunngaviusunut naapertuuppat, aatsitassanut ikummatissanullu inatsit malillugu pisinnaatitsissummik pigisaqartut inuussutissarsiortunut allanut naligiissinneqarnissaat.

Siunnersuummi siunertaasoq alla tassaavoq, pisinnaatitsissummik pigisaqartoq kisimi aatsitassanik piiaanissamut akuersissummik tunineqarsimasoq, sumiiffimmi akuersissuteqarfiusumi aatsitassarsiorluni ingerlatassanik suliaqarsinnaanerani kinguneqartumik aaqjissuussinermik pilersitsinissaq. Pisinnaatitsissummik pigisaqartut aatsitassanik misissueqqaarnissamut, misissuinissamut imaluunniit piiaanissamut akuersissummik peqartut, taamaalillutik sumiiffinni aatsitassanik piiaanissamut akuersissuteqarfiusuni, pisinnaatitsissummik pigisaqartut allat pigisaannut, aatsitassarsiorluni ingerlatassanik suliaqaqqusaanngillat.

Siunnersuutip siunertaasa pingajuat tassaavoq, pissutsinut aalajangersimasunut akuersissummut imaluunniit akuersissut malillugu ingerlatassanut tunngassuteqartunut piffissamut killissaliussat aalajangersimasut pillugit atugassarititaasunik Naalakkersuisut aatsitassanik piiaanissamut akuersissummi aalajangersaasinnaasut, erseqqissarneqarnissaa. Assersuutigalugu tassaasinnaapput pisinnatitsissummik pigisaqartup sanaartukkanik pilersitsinissaanut, aatsitassanik piiaanissamut imaluunniit aatsitassanik piiaanerup aallartinnissaanut piffissamut killissaliussat. Tassunga atatillugu tamatuma saniatigut siunertaavoq, piffissamut killissaliussat aalajangersarneqartut imaluunniit piffissamut killissaliussat sivitsorneqartut malinneqanngippata, akuersissut atorunnaassasoq imaluunniit utertinneqarsinnaasoq, pillugu Naalakkersuisut atugassarititaasunik aamma aalajangersaasinnaasut, erseqqissarneqarnissaa.

## **2. Siunnersuummi immikkoortut pingaarnerit**

Siunnersuut malillugu oqaaseq ”aningaasarsiutigalugu atorluarneqarsinnaasunik” aatsitassanut ikummatissanullu inatsimmi § 29, imm. 2-imi peerneqarpoq. § 29, imm. 2-imi atuuttumi oqaaseq ”aningaasarsiutigalugu atorluarneqarsinnaasunik”, aatsitassanik peqarfik piiaaaffigineqarsinnaasoq aningaasarsiutigalugu atorluarneqarsinnaassasoq, tassa imaappoq inuussutissarsiutigalugu aammalu aningaasaqarnikkut pissarsiviulluurtumik (ilunaaruteqarluni), pisinnaatitsissummik pigisaqartup Naalakkersuisunut uppersarsassagaa, suliaqarnermi paasineqartarsimavoq atorineqartarsimallunilu. Pisinnaatitsissummik pigisaqartup aningaasaqarnermut tunngasut taakkua misissorlugit nalilersorlugillu, tamatumalu kingorna imminut akilersinnaassutsimut misissuinermi imaluunniit Naalakkersuisunut nalunaarusiami taakkua paasissutissiissutigalugit suliaqarnermik, isumalluutinik piffissamillu atuinissaata pinngitsoortinnissaa, siunnersuummi aalajangersakkami siunertaavoq.

Kalaallit Nunaanni aatsitassanut ikummatissanullu inatsisip nunani tamalaani malitassanut naammassinninnissaa siunertaavoq. Imminut akilersinnaassutsip paasinarsisinneqarsimanissaa aamma aningaasaqarnikkut pisinnaasaqarnissaaq pillugu piumasaqaatinut tunngatillugu, nunarsuarmi sumiiffinni assigiinngitsuni suut piumasaqaatigineqartarnersut, annertuumik assigiinngissuteqarpoq. Nunani aatsitassarsiorfiusuni ineriartortinneqannginnerusuni, soorlu maannamut Kalaallit Nunaanni

taama pisoqartoq, suliap ingerlanerani siusissumi imminut akilersinnaassuseqarnera paasinarsisinnegarsimassasoq aammalu aningaasaqarnikkut pisinnaasaqarneq uppersarsarneqassasoq, piunasaqaatigineqartarnera takuneqartarpoq. Taamaalilluni assersuutigalugu Den Demokratiske Republik Congo-mi aamma Guinea-mi Kalaallit Nunaanni piiaanissamut akuersissutip taamaaqataanik tunniussinerimi imminut akilersinnaassutsimut misissuineq akuerineqarsimassasoq, piunasaqaatigineqartarpoq. Kazakhstan-imi, Mongoliet-imi aamma Mozambique-mi imminut akilersinnaassutsimut misissuinerit oqartussanit nalilersorneqartussat, qinnuteqaateqarnerup ingerlaneranut atatillugu suliarineqassasut, naatsorsuutigineqartarpoq. Kisiannili nunani aatsitassarsiorfiusuni inerilluarsimanagerusuni, piffiit ilaanni peqarfiup imminut akilersinnaassuseqarneranut, suliffeqarfiup aningaasaqarneranut imaluunniit aatsitassanik peqarfippiamut piunasaqaateqartoqanngilluinnartarpoq, assersuutigalugu Chile aamma Kina. Sumiiffinni allani piiaanissamut pisinnaatitaaffiliinermi peqarfik ujarassiornikkut paasinarsisinnegarsimassasoq taamaallaat pingaartinneqartarpoq, tamannalu assersuutigalugu Québec-imi (Canada), Newfoundland-imi aamma Labrador-imi (Canada), South Australia-mi (Australien), Northern Territory-mi (Australien), Western Australia-mi (Australien), Victoria-mi (Australien) aamma Norge-mi pisarpoq. Tassunga atatillugu peqarfimmik piiaanissamut pisinnaatitaaffeqarneq (aatsitassanut ikummatissanullu inatsimmi § 16 malillugu piiaanissamut akuersissummut naapertuuttoq) aamma peqarfimmik piiavinnermik suliaqarnissamut pisinnaatitaaffeqarneq (aatsitassanut ikummatissanullu inatsimmi § 19 malillugu piiaanissamut akuersissummut Naalakkersuisunit akuerineqartumut naapertuuttoq) immikkoortinneqassapput. Nunani taaneqartuni tamaginni, soorlu tamanna Kalaallit Nunaanni pisartoq, piiaanermik ingerlataqarnernut atatillugu annertunerusunik piunasaqaateqartoqarsinnaavoq, ilanngullugit aningaasaqarnermut uppersarsaanissamut aamma qularnaveeqqusiinissamut piunasaqaatit.

Tamatuma saniatigut siunnersuutip malitsigisaanik pisinnaatitsissummik pigisaqartoq, aatsitassanik piiaanissamut akuersissummik tunineqarsimassasoq, kisimi sumiiffimmi akuersissuteqarfiusumi aatsitassarsiorluni ingerlataqarnernik suliaqaqqusaalissaaq. Pisinnaatitsissummik pigisaqartut avataaneersut allat aatsitassanik misissueqaarnissamut, misissuinissamut imaluunniit piiaanissamut akuersissummik peqartut, taamaalillutik sumiiffinni aatsitassanik piiaanissamut akuersissuteqarfiusuni, pisinnaatitsissummik pigisaqartut allat pigisaannut, aatsitassarsiorluni ingerlatassanik suliaqaqqusaanngillat.

Aammattaaq siunnersuummi erseqqissarneqarpoq, Naalakkersuisut aatsitassanik piiaanissamut akuersissummi pissutsinut aalajangersimasunut akuersissummut imaluunniit akuersissut malillugu ingerlatassanut tunngassuteqartunut piffissamut killissaliussat aalajangersimasut pillugit atugassarititaasunik aalajangersaanissamut piginnaatitaasut. Tamanna assersuutigalugu tassaasinnaavoq, pisinnaatitsissummik pigisaqartup pilersaarutinik tamakkiisunik nassiussinissanut, inuiaqatigiinni piujuartussamik iluaqutaasumik sunniuteqartitsinissaq aamma inuiaqatigiit aningaasaqarnerannut tunngasut allat pillugit isumaqatigiissuteqarnissamut, aatsitassanik piiaanissamut sanaartukkanik ilaalu ilanngullugit pilersitsinissamut imaluunniit

aatsitassanik piiaanerup aallartinnissaanut piffissamut killissaliussat. Tamatuma saniatigut siunnersuummi erseqqissarneqarpoq, piffissamut killissaliussat aalajangersarneqartut imaluunniit piffissamut killissaliussat sivitsorneqartut malinneqanngippata akuersissut atorunnaassasoq imaluunniit utertinneqarsinnaasoq pillugu atugassarititaasunik Naalakkersuisut aamma aalajangersaasinnaasut.

<b>Siunnersuut Inatsisartut inatsisaannut atuuttumut sanilliullugu</b>	
<i>Oqaasertaliinerit atuuttut</i>	<i>Siunnersuut</i>
	<b>§ 1</b>  Aatsitassat pillugit ingerlatallu tamatumunnga pingaarutillit pillugit Inatsisartut inatsisaat nr. 7, 7. december 2009-imeersumi (aatsitassanut ikummatissanullu inatsit), kingullermik inatsisartut inatsisaanni nr. 16, 27. november 2018-imeersumi allanngortinneqartumi, makkuninnga allanngortitsisoqarpoq:
<i>Imm. 2.</i> Piginnaatitsissummik pigisaqartoq imm. 1 malillugu akuersissuteqarnerup nalaani pisuussutinik aningaasarsiutigalugu atorluarneqarsinnaasunik uppersaasimappat sumiiffissiisimallunilu, akuersissummilu piumasaqaatit aalajangersarneqarsimasut eqquutsissimappagit, piiaanissamut akuersissummik tunineqarnissaminut pisinnaatitaavoq. Akuersissut selskabimut piginnaatitsissummik pigisaqartup toqqagaanut tunniunneqarsinnaavoq, tamanna pillugu tak. § 16, imm. 3. Akuersissut tunniunneqassaaq, sumiiffimmut pisuussutit sumiiffiannut aningaasarsiornikkut atorluarsinnaasat piginnaatitsissummik pigisaqartup atorluarniarlugit siunertaqarfigisaanut. Akuersissut ukiunut 30-nut atuuttussanngorlugu tunniunneqassaaq, piffissap sivikinnerunissaa akuersissummi piumasaqaatini aalajangerneqarsimanngippat.	<b>1. § 29, imm. 2</b> imatut oqaasertalerneqarpoq: ” <i>Imm. 2.</i> Pisinnaatitsissummik pigisaqartoq imm. 1 malillugu akuersissutip ataani peqarfimmik piiaaffiginiagassaminik paasinarsitsisimappat sumiiffissiisimallunilu, aammalu allatigut atugassarititaasut akuersissummi aalajangersarneqartut naammassisimallugit, piiaanissamut akuersissummik tunineqarnissaminut pisinnaatitaavoq. Akuersissut ingerlatseqatigiiffimmut pisinnaatitsissummik pigisaqartup toqqagaanut tunniunneqarsinnaavoq, tamanna pillugu takuuk § 16, imm. 3. Akuersissut, sumiiffiup ilaani peqarfiit pisinnaatitsissummik pigisaqartup piiaffigilersaagaasa sumiiffianniittunut, tunniunneqassaaq. Akuersissummut atugassarititaasut piffissaq sivikinnerusussanngorlugu aalajangersarneqarsimanngippat, akuersissut ukiuni 30-ni atuuttussanngorlugu

<p>Tunniussinermut atatillugu Naalackersuisut piumasaqaatit aalajangersinnaavaat, §19 naapertorlugu akuerineqarnissaq pillugu piffissap naammaginartup iluani erseqqinnerusumik aalajangerneqarsimasup iluani qinnuteqaatigineqassasoq.</p>	<p>tunniunneqassaaq”.</p>
<p><b>§ 29.</b> Aatsitassat eqqarsaatigalugit misissuinissamut § 16 malillugu akuersissut tunniunneqassaaq ukiut 10-t angullugit atuuttussanngorlugu, imaluunniit pissutsit immikkut ittut atuutissappata, ukiut 16-it angullugit atuuttussanngorlugu. Misissuinissaq siunertaralugu akuersissut sivitsorneqartarsinnaavoq ukiut pingasukkaartut (3) angullugit. Ukiut 10-t sinnerlugit sivitsuineqassappat, piumasaqaatit allanngortillugit akuersissut tunniunneqassaaq.</p> <p><i>Imm. 2.</i> Piginnaatitsissummik pigisaqartoq imm. 1 malillugu akuersissuteqarnerup nalaani pisuussutinik aningaasarsiutigalugu atorluarneqarsinnaasunik uppersaasimappat sumiiffissiisimallunilu, akuersissummilu piumasaqaatit aalajangersarneqarsimasut eqquutsissimappagit, piiaanissamut akuersissummik tunineqarnissaminut pisinnaatitaavoq. Akuersissut selskabimut piginnaatitsissummik pigisaqartup toqqagaanut tunniunneqarsinnaavoq, tamanna pillugu tak. § 16, imm. 3. Akuersissut tunniunneqassaaq, sumiiffimmut pisuussutit sumiiffiannut aningaasarsiornikkut atorluarsinnaasat piginnaatitsissummik pigisaqartup atorluarniarlugit siunertaqarfigisaanut. Akuersissut ukiunut 30-nut atuuttussanngorlugu tunniunneqassaaq, piffissap sivikinnerunissaa akuersissummi piumasaqaatini aalajangerneqarsimanngippat. Tunniussinermut atatillugu Naalackersuisut</p>	<p><b>2. § 29-imi imm. 4-tut ilanngunneqassaaq:</b>  <b>” Imm. 4.</b> Sumiiffimmi § 16 malillugu aatsitassanik piiaanissamut akuersissummi pineqartunut ilaasumi, akuersissut malillugu pisinnaatitsissummik pigisaqartup saniatigut allat aatsitassanik misissueqqaarnissamut, misissuinissamut imaluunniit piiaanissamut akuersissut malillugu, ingerlataqarlutik suliaqaqqusaanngillat.”</p>

<p>piumasaqaatit aalajangersinnaavaat, §19 naapertorlugu akuerineqarnissaq pillugu piffissap naammaginatup iluani erseqqinnerusumik aalajangerneqarsimasup iluani qinnuteqaatigineqassasoq.</p> <p><i>Imm. 3.</i> Piffissaq piiaaffissatut imm. 2-mi taaneqarsimasoq Naalakkersuisut sivitsorsinnaavaat, takuulli § 16, imm. 5.</p>	
<p><b>§ 30.</b> § 16 malillugu aatsitassanik piiaanissamut akuersissummi taamaallaat § 17, imm. 1-2 malillugu piunasaqaatinik aalajangersaasoqarsinnaavoq, misissuinissamut akuersissummi tamanna ilanngunneqarsimappat, imaluunniit § 17, imm. 3-mi, imaluunniit Kalaallit Nunaanni akileraartarnermut inatsimmi malittarisassaq assingusoq atorneqarsimappat.</p>	<p><b>3. § 30-imi imm. 2-tut ilanngunneqassaaq:</b> ” <i>Imm. 2.</i> Pissutsinut piiaanermik suliaqarnerup ingerlanneqarnissaanut aammalu akuersissut malillugu ingerlatassanut allanut annertuumik pingaaruteqartunut piffissamut killiliussat pillugit atugassarititaasunik § 16 malillugu aatsitassanik piiaanissamut akuersissummi Naalakkersuisut aalajangersaasinnaapput. Piffissamut killiliussa imaluunniit piffissamut killiliussamut sivitsuineq naammassineqanngippat akuersissut atorunnaassasoq imaluunniit utertinneqassasoq, Naalakkersuisut aalajangiisinnaapput.”</p>
	<p style="text-align: center;"><b>§ 2</b></p> <p>Inatsisartut inatsisaat ulloq 1. januar 2020 atuutilerpoq.</p>

### **3. Pisortanut aningaasaqarnikkut allaffissornikkullu sunniutaasussat**

Siunnersuut pisortat sipaaruteqarnerannik malitseqassasoq naatsorsuutigineqarpoq, tassami piiaanissamut akuersissummik qinnuteqaatinut tunngatillugu suliassanik suliarinninneq annertuumik oqilisaavigineqassammat. Sipaarutissat ukiumut qaammatini pingasuni sulisoqarnissatut annertussuseqarput.

### **4. Inuussutissarsiortunut aningaasaqarnikkut allaffissornikkullu sunniutaasussat**

Siunnersuut pisinnaatitsissummik pigisaqartunut piiaanissamut akuersissummik qinnuteqartunut annertuumik sipaaruteqarnermik malitseqassasoq naatsorsuutigineqarpoq, tassami imminut akilersinnaassutsimut misissuineq annertoq aamma annertuumik aningaasartuuteqarfiusartoq,

peqarfiup nunap sanaatigut paasinarsisitsivigineqarnissaanik taarserneqartussaammat.

### **5. Avatangiisinut, pinngortitamut inuillu peqqissusaannut sunniutaasussat**

Siunnersuut avatangiisinut, pinngortitamut imaluunniit inuit peqqissusaannut tunngasut pillugit najoqqutassatigut maleruagassanik imaqaangilaq. Aatsitassanut ikummatissanullu inatsimmi avatangiisinut aamma pinngortitamik allanngutsaaliuinissamut piumasaaqatit qaffasissut allanngortinnagit ingerlateqqinneqarput.

### **6. Innuttaasunut sunniutaasussat**

Siunnersuut innuttaasunut aningaasaqarnikkut imaluunniit allaffissornikkut sunniuteqassasoq naatsorsuutigineqaangilaq.

### **7. Sunniutaasussat annertuut allat**

Siunnersuut annertuunik allanik sunniuteqassasoq naatsorsuutigineqaangilaq.

### **8. Oqartussanut kattuffinnullu ilaalu ilanngullugit tusarniaaneq**

Siunnersuut piffissami 2019-imi ulloq 01. april-imiit ulloq 06. maj-imut Namminersorlutik Oqartussat tusarniaanermut nittartagaanni tamanut saqqumitinneqarpoq.

Siunnersuut aammattaaq suliffiup iluani Naalakkersuisuni tusarniaassutigineqarpoq:

Naalakkersuisut oqartussanit, kattuffinnit ilaalu ilanngullugit makkunangga tusarniaanermut akissuteqaat tiguaat:

- Kommune Kujalleq

Tulliuttuni tusarniaanermut akissuteqaatit tiguneqartut sammeneqarput.

Suliffiup iluani tusarniaaneq inatsisissatut siunnersuummi aamma siunnersuummi aalajangersakkanut ataasiakkaanut nassuiaatini allanngortitsinissamik pissutissaqalersitsivoq, taamaalilluni siunnersuut taamaallaat aatsitassanut tunngassuteqalerluni aammalu ikummatissiassat ilaatinneqarunnarlutik.

Kommune Kujalleq inatsisip allanngortinneqarnissaanut oqaaseqaatissaqarsimanngilaq.

## Siunnersuummi aalajangersakkanut ataasiakkaanut nassuiaatit

### § 1-imut

Nr. 1-imut (§ 29, imm. 2, uniffik siulleg)

§ 29, imm. 2, uniffik siulleg atuuttoq malillugu pisinnaatitsissummik pigisaqartoq aatsitassanik peqarfimmik aningaasarsiutigalugu atorluarneqarsinnaasunik, pisinnaatitsissummik pigisaqartup piiiaffigilersaagaanik, paasinarsisitsisimappat killissalersuisimallunilu, aammalu aatsitassarsiorluni misissuinissamut akuersissummi atugassarititaasut naammassisimallugit, aatsitassanik misissuinissamut akuersissut malillugu pisinnaatitsissummik pigisaqartoq piiaanissamut akuersissummik tunineqarnissamut pisinnaatitaavoq.

Siunnersuummi aalajangersakkami oqaaseq ”aningaasarsiutigalugu atorluarneqarsinnaasunik” aalajangersakkamit peerneqarpoq.

Siunnersuummi aalajangersagaq allanngortinneqartoq malillugu, pisinnaatitsissummik pigisaqartup imminut akilersinnaassutsimik misissuineramik imaluunniit aatsitassanik piiaanermi aningaasaqarnikkut pissarsiaqarnissamut periarfissat pillugit paasissutissiiviusumik nalunaarusiamik tunniussinissaanut taamaalillutik Naalakkersuisut piumasaaqateqarunnaassapput. Naalakkersuisut aningaasaqarnermut tunngasunik nalilersuisassanngillat aammalu pisinnaatitsissummik pigisaqartoq aningaasaqarnikkut pissarsilluni aatsitassanik piiaaninnaanersoq allatut aalajangiisassanatik.

Kisianni pisinnaatitsissummik pigisaqartup aammalu pisinnaatitsissummik pigisaqartup aningaasaliisorisinnaasaasa taamaalillutik nammineerlutik aatsitassanik piiaanermi aningaasaqarnermut tunngasut aammalu aningaasaqarnikkut pissarsiassaqaarnissamik periarfissaqarneq (iluanaaruteqarneq) nalilersussavaat. Tamanna tunngavigalugu aatsitassanik piiaanissamut akuersissummik qinnuteqaarnissamik aammalu piiaanermik suliassamik ingerlatsinissamik kissaateqarnerlutik pisinnaatitsissummik pigisaqartoq aammalu pisinnaatitsissummik pigisaqartup aningaasaliisui aalajangiisapput.

Imminut akilersinnaassutsimik suliaqarniarnerlutik, imminut akilersinnaassutsimut misissuisoqassappat qanoq imaqaassanersoq, aammalu imminut akilersinnaassutsimik misissuisoqassappat taanna kimut tunniunneqassanersoq aammalu sumi tamanut saqqummiunneqassanersoq kikkunnillu atorneqarsinnaassanersoq, pisinnaatitsissummik pigisaqartup taassumalu aningaasaliisorisinnaasaa tassunga atatillugu taamaalillutik nammineerlutik naliliisinnaassapput aalajangiisinnaassallutillu.

Oqaatsip ”aningaasarsiutigalugu atorluarneqarsinnaasunik” aalajangersakkamit atuuttumit



peerneqarnissaa pillugu siunnersuut taamaalilluni naatsumik oqaatigalugu, imminut akilersinnaassutsimik misissuinerit maleruagassiivigineqarnerisa pisinnaatitsissummik pigisaqartunut taakkualu aningaasaliisorisimasinnaasaannut kiffaanngissuseqarnerulersitsinerannut, aammalu tamatumunnga maleruagassiinerup pisinnaatitsissummik pigisaqartunit taakkualu aningaasalersuisorisinnaasaannut atoruminarnerulerneranut, takussutissaasoq oqartoqarsinnaavoq. Taamaalillutik pisinnaatitsissummik pigisaqartut imminut akilersinnaassutsimut misissuinerujunnartoq pillugu qanoq iliorniarnertutik, nammineerluni aalajangersinnaavaat.

Taamaattoq aatsitassanik peqarfik paasinarsisinneqarsimanersoq killissalersorneqarsimanersorlu pisinnaatitsissummik pigisaqartup misissussagaa, nalilersussagaa aammalu nalunaarusiami Naalakkersuisunut paasissutissiissutigissagaa, sulii aalajangersagaq malillugu pisussaavoq.

Aammattaaq aatsitassanik peqarfimmik "aningaasarsiutigalugu atorluarneqarsinnaasunik" uppersaanissaq aammalu siunertamut tamatumunnga imminut akilersinnaassutsimik Naalakkersuisunut tunniussinissaq pillugit piumasaqaatip atorunnaarsinneqarnera, pisinnaatitsissummik pigisaqartup aningaasaqarnermut tunngasut pillugit paasissutissanik, allakkianik nalunaarusianillu ilaalu ilanngullugit attuumassuteqartunik tamaginnik tunniussinissaanik Naalakkersuisut piumasaqarsinnaatitaanerisa ingerlaannarneranut, sunniuteqanngilaq. Aatsitassanut ikummatissanullu inatsimmut, akuersissummut aamma akuersissut malillugu ingerlatassanut tunngatillugu pissutsit allat tamaasa pillugit Naalakkersuisut nalilersuisinnaanissaannut aalajangiisinnaanissaannullu tamanna naleqquppat, Naalakkersuisut tamanna piumasarisinnaavaat. Pisinnaatitsissummik pigisaqartut allakkianik, nalunaarusianik misissueqqissaarnernillu suliaqassasut Naalakkersuisut taamaalillutik sulii piumasaqarsinnaapput kiisalu allakkiat pisinnaatitsissummik pigisaqartup pigisaasa tunniunneqarnissaat piumasarisinnaallugu, assersuutigalugu pisinnaatitsissummik pigisaqartup pilersaarutaasa nalilersuinerisalu akuersissuteqarfigineqarnissaannut atatillugu.

Aatsitassanut ikummatissanullu inatsimmi § 1, imm. 2, aamma § 83 malillugit ingerlatassat aatsitassanut ikummatissanullu inatsimmi pineqartunut ilaasut ilaatigut pissutsit taamaaqatai atuutsillugit nunani tamalaani suleriaatsinut pitsaasunut akuerisaasunut naapertuuttumik suliarineqartussaapput.

Tamanna ilaatigut isumaqarpoq pisinnaatitsissummik pigisaqartup aatsitassanik peqarfik paasinarsisinneqarsimanersoq killissalersorneqarsimanersorlu misissornerani aamma nalilersornerani periaatsit aamma malitassat nunani tamalaani akuerisaasut atussagai.

Pisinnaatitsissummik pigisaqartup tamatuma saniatigut, aatsitassanik peqarfinnik paasinarsisitsineq killissalersuinerlu pillugit Naalakkersuisunut nalunaarusianik suliaqarnermi tunniussinermilu, aatsitassarsiornermik suliaqartunut nalunaarusiornermi malitassat pitsaasut aamma nunani tamalaani akuerisaasut, atussavai. Nalunaarusiornermut malitassat taamaattut amerlanertigut taaneqartarput

aatsitassanut nalunaarusiornermut malitassat. Taakkua, pisinnaatitsissummik pigisaqartoq qanoq aatsitassarsiorluni misissuinermit paasisanik, sillimatinik aamma pisuussutinik aningaasaliisartunut, aningaasaliisartuusinnaasunut taakkualu siunnersortaannut nalunaarusiortassanersoq, pillugu aalajangersakkanik nalinginnaasunik aalajangersaaviusarput.

Pisinnaatitsissummik pigisaqartup pii-aanissamut akuersissummik tunineqarnissamut pisinnaatitaalernissaanut, Australiamiut nalunaarusiornernut malitassiai "The JORC Code", Canadamiut nalunaarusiornernut malitassiai "National Instrument 43-101 Standards of Disclosure for Mineral Projects", uunga "the CIM Definition Standards on Mineral Resources and Mineral Reserves, the "CIM Definition Standards" innersuussiviusoq, Sydafrikamiut nalunaarusiornernut malitassiai "The SAMREC Code" imaluunniit Europa-mi tamarmi nalunaarusiornermut malitassat "The PERC Reporting Standard" malillugit "indicated resource"-imik ("qanoq peqarsinnaatigineqarnik") uppersaasoqarsimappat, peqarfiup paasinarsisinneqarsimanissaa pillugu pi-masaqaat naammassineqarsimassaaq.

"Indicated resource"-mut ("Qanoq peqarsinnaatigineranut") uppersaat Naalakkersuisunit akuerineqassaaq. Najoqqutassat nassiunneqartut nammineq nalilersornissaannut Naalakkersuisut sukkulluunniit pisinnaatitaapput, ilanngullugu avataaneersunit suliaqartartunit ikiorneqarlutik. Naalakkersuisut tassunga atatillugu uppersaamma pisinnaatitsissummik pigisaqartup nassiussaani inerniliussamut tunngatillugu pisussaaffeqanngillat, uppersaat inummit akuersissummik allagartaqartumit suliarineqarsimallunilu atsiorneqarsimagaluarpulluunniit.

Oqaatigineqassaaq kisermaassisussaataalluni annikitsumik aatsitassarsior-nissamut akuersissutinik sivitsuiner-mut tunngatillugu, taamaaqataanik allangortitsinissaaq pisariaqarsorineqanngimmat. Aatsitassanut ikummatissanullu inatsimmi § 34, imm. 3 malillugu, pisinnaatitsissummik pigisaqartoq aatsitassanik peqarfimmik aningaasarsiu-tigalugu atorluarneqarsinnaasumik paasinarsisitsisimappat aammalu peqarfinni pii-aanermik aallartitsisimalluni, kisermaassisussaataalluni annikitsumik aatsitassarsior-nissamut akuersissut malillugu pisinnaatitsissummik pigisaqartoq piffissap akuersissuteqarfiusup sivitsorneqarnissaanut pisinnaatitaavoq. Pisinnaatitsissummik pigisaqartoq kaavii-artitsisitsisumik aatsitassanik pii-aasimappat, imaluunniit Aatsitassanut oqartussap naliliinera malillugu sumiiffimmi akuersissuteqarfiusumi kaavii-artitsisinnaassappat, peqarfik aningaasarsiu-tigalugu atorluarneqarsinnaassasoq pillugu pi-masaqaat naammassineqarsimasoq, aalajangersagaq taanna suliaqarnermi nassuiarneqartarpoq.

Nr. 2-imut (§ 29, imm. 4)

Aalajangersagaq malillugu aatsitassanik pii-aanissamut akuersissut malillugu pisinnaatitsissummik pigisaqartoq kisimi sumiiffimmi akuersissuteqarfiusumi aatsitassarsiorluni ingerlatanik aatsitassanut tunngassuteqartunik suliaqarsinnaavoq.

Aatsitassanik misissueqqaarnissamut, misissuinissamut imaluunniit aatsitassanik pīaanissamut akuersissutit allat malillugit pisinnaatitsissummik pigisaqartut, taamaalillutik sumiiffinni aatsitassanik pīaanissamut akuersissuteqarfiusuni, pisinnaatitsissummik pigisaqartup aatsitassanik pīaanissamut akuersissutaa malillugu, aatsitassarsiorluni ingerlatassanik suliaqaqqusaanngillat.

Aalajangersakkamut pingaartumik siunertaavoq, aatsitassanik pīaanissamut akuersissut malillugu pisinnaatitsissummik pigisaqartoq, pīaanissamut akuersissut malillugu sumiiffimmi akuersissuteqarfiusumi aatsitassarsiorluni ingerlatanik aatsitassanut tunngassuteqartunik suliaqaqqusaasuni, kisiartaanissaata qulakkeerneqarnissaa. Pisinnaatitsissummik pigisaqartup sumiiffimmi akuersissuteqarfiusumi pīaanermik ingerlatassanik aatsitassanut tunngassuteqartunik suliaqarnera taamaalilluni, allat pīaanissamut akuersissut malillugu sumiiffimmi akuersissuteqarfiusumi aatsitassarsiorluni ingerlataannit akornuserneqassanngilaq, killilerneqassanani imaluunniit allatigut sunnernerlunneqassanani.

Inerteqquteqarnermi ilaatinneqarput, pīaanissamut akuersissut malillugu sumiiffimmi akuersissuteqarfiusumi allat aatsitassarsiorluni ingerlatassanik aatsitassanut tunngassuteqartunik tamaginnik suliaqarneri. Tamanna atuutissaaq allat ingerlataat aatsitassanik misissueqqaarnissamut, aatsitassarsiorluni misissuinissamut imaluunniit aatsitassanik pīaanissamut akuersissut malillugu imaluunniit aatsitassarsiorluni misissuinissamut imaluunniit aatsitassanik pīaanissamut annikitsumik aatsitassarsiornissamut akuersissut malillugu suliarineqarniarnersut, apeqqutaatinnagu. Inerteqquteqarneq aammattaaq misissueqqaarnissamut akuersissutip sumiiffimmiittup, pīaanissamut akuersissutip tunniunneqarnissaa sioqqullugu, tunniunneqarsimanera apeqqutaatinnagu, atuutissaaq. Aatsitassanik pīaanissamut akuersissut malillugu pisinnaatitsissummik pigisaqartup, imaluunniit ingerlatseqatigiiffiup pisinnaatitsissummik pigisaqartumit toqqagaasup, takuuk imm. 2, sumiiffimmi akuersissuteqarfiusumi misissueqqaarnermik aamma aatsitassarsiorluni misissuinermik ingerlatanik suliaqarnissaa inerteqquteqarnermi akornuserneqanngilaq.

Nr. 3-imut (§ 30, imm. 2)

Aalajangersakkami erseqqissarneqarpoq, akuersissut imaluunniit akuersissut malillugu ingerlatassat pillugit pissutsinut aalajangersimasunut piffissamut killissaliussat aalajangersimasut pillugit atugassarititaasunik Naalakkersuisut aatsitassanik pīaanissamut akuersissummi aalajangersaasinnaasut (piginnaatitaasut).

Aatsitassanut ikummatissanullu inatsimmi § 16, imm. 1 malillugu, atugassarititaasut erseqqinnerusumik aalajangersarneqartut tunngavigalugit aatsitassarsiorluni misissuinissamut aamma aatsitassanik pīaanissamut akuersissummik Naalakkersuisut tunniussisinnaapput. Aalajangersagaq malillugu, aatsitassarsiorluni misissuinissamut aamma pīaanissamut akuersissutinut aammalu akuersissutit malillugit ingerlatassanut tamaginnut atugassarititaasunik nalinginnaasunik Naalakkersuisut aalajangersaasinnaapput, ilanngullugit akuersissut imaluunniit

akuersissut malillugu ingerlatassat pillugit pissutsinut aalajangersimasunut piffissamut killissaliussat. Akuersissummut atugassarititaasunik aalajangersaaneq aatsitassanut ikummatissanullu inatsimmi § 1 malillugu siunertanut aammalu aalajangersakkanut attuumassuteqartunut allanut, ilanngullugu assersuutigalugu § 84, naapertuuttumik pissaaq. Akuersissummut atugassarititaasunik aalajangersaaneq aamma pisortat ingerlatsinerannut inatsisini maleruagassanut tunngaviusunullu nalinginnaasunut naapertuuttumik pissaaq, ilanngullugit kinaassusersiunnginnissaq, annertoqqatigiimmik pinninnissaq aamma naligiimmik pinninnissaq pillugit tunngaviusut.

Aalajangersagaq siunnersuutigineqartoq taamaalilluni, aatsitassanik piiaanissamut akuersissut imaluunniit akuersissut malillugu ingerlatassat pillugit pissutsinut aalajangersimasunut piffissamut killissaliussat aalajangersimasut pillugit atugassarititaasunik aalajangersaanissamut Naalakkersuisut inatsimmi tunngavissaqartut (periarfissaqartut) erseqqissaaneruvoq.

Naalakkersuisut assersuutigalugu pisinnaatitsissummik pigisaqartup aatsitassanut ikummatissanullu inatsimmi § 19 malillugu piiaanissamut pilersaarummik tamakkiisumik, aatsitassanut ikummatissanullu inatsimmi § 43 malillugu matusinissamut pilersaarummik imaluunniit aatsitassanut ikummatissanullu inatsimmi § 86 malillugu pissutsinut allanut ingerlatassanullu pilersaarutininik nassiussinissaanut piffissamut killissaliussanik aalajangersaasinnaapput.

Naalakkersuisut ilatigut aamma pisinnaatitsissummik pigisaqartup inuiaqatigiinni piujuartussamik iluaqutaasumik sunniuteqartitsinissaq aammalu inuiaqatigiit aningaasaqarnerannut tunngasut allat pillugit isumaqatigiissuteqarnissaanut piffissamut killissaliussanik aalajangersaasinnaapput.

Assersuutitut allatut taaneqarsinnaapput, pisinnaatitsissummik pigisaqartup aatsitassanik piiaanissamut, aningaasalersuinissamut pilersaarummik tamakkiisumik nassiussinissamut, matusinermut aningaasartuutinut qularnaveeqqusiinissamut imaluunniit aatsitassanik piiaanerup aallartinnissaanut sanaartukkanik taakkualuunniit ilaannik ilaalu ilanngullugit pilersitsinissaanut piffissamut killissaliussat.

Tamatuma saniatigut aalajangersakkami erseqqissarneqarpoq Naalakkersuisut aamma, piffissamut killissaliussat aalajangersarneqartut imaluunniit piffissamut killissaliussat sivitsorneqartut malinneqanngippata, akuersissut atorunnaassasoq imaluunniit utertinneqarsinnaasoq, pillugu akuersissummi atugassarititaasunik aalajangersaasinnaapput.

## *§ 2-imut*

Imm. 1-imut

Aalajangersagaq piffissamut siunnersuutip atuutilerfissaanut tunngassuteqarpoq.

Siunnersuutigineqarpoq siunnersuut ulloq 1. januar 2020 atuutilissasoq.